


Grannanytt

Indre Austsio Grannalag

2021

indreaustsio.no



Grannabryggjo. På bilete: Jan Sandven, Åsmund A. Sekse, Magne Kvalnes og Johan Sandven

Grannabryggjekaien tek form

Det har blitt lagt ned ein formidabel dugnadsinnsats på Grannabryggjekaien i regi av Føyk og IAG. Over eit førtitalspersonar har deltatt på dugnadsarbeidet. No går prosjektet inn i sluttfasen.

Nyhende



Foto: Indre Austsio Grannalag

Interessegruppa for bustadutvikling

Indre Austsio Grannalag (IAG) har oppretta ei interessegruppa som skal jobba for bustadutvikling i krinsen vår Indre Austsio. Gruppa består av Petter S. Ulriksen, Åsmund A. Sekse, Espen Bukve og Øyvind Andersen.

Til no har arbeidet bestått i å kartlegga aktuelle områder for bustadutvikling. Ei av dei største utfordringane er faresonekartet som NVE utarbeide i 2018. Dette kartet setter store begrensningar for kva område det er mogeleg å bygge bustader på.

Interessegruppa har våre i dialog med fleire grunneigarar som har sagt seg interessert i å skilja ut bustadtomter. Lengst framme er området til Gunn Marit Gåsemyr over Seksestrekkka. Her har Vestland Fylkeskommune nyleg godkjent ny avkøyrse frå Seksevegen til dei potensielle tomtene.

Her er det mål om å opparbeide fire bustadtomter. Fleire har meldt si interesse for å kjøpa tomt så no blir det viktig å arbeide aktivt inn mot kommunen administrativt og politisk for å få realisert prosjektet snarast mogeleg. Interessegruppa har hatt entreprenørar på synfaring og konklusjonen frå dei er at dette er fullt ut eit mogeleg prosjekt å gjennomføre.

Markastå

Reguleringsplanen for Markastå er ferdig og i følge Ullensvang kommune er feltet byggeklart. Men der stoppar det. Kommunen jobbar ikkje for å utvikle dette feltet då Seksekrinsen ikkje vert definert som «nærområde» i den nye samfunnsplanen som kommunen har utarbeidd. Det betyr at skal dette feltet verta utvikla er ein heilt avhengig av ein privat utbyggjar.

Me får håpa at kommunen snur og ser verdien av å utvikla bustadfeltet som meir eller mindre ligg byggeklart.



Illustrasjon: Norconsult. Så langt kom gamle Ullensvang Herad med Markastå planane før prosjektet stoppa opp.

Reklame

Interessert i bustadtomt?



Er de interessert i bustadtomt i Indre Austsio ynskjer interessegruppa for bustadutvikling å høyra frå dykk.

I det kommunale byggefeltet på Segelgjerd er det to ledige bustadtomter. Meir info om desse finn de på heimesida til Ullensvang kommune.

De når interessegruppa for bustadutvikling på: bustad@indreaustsio.no

Ute etter båt plass?



Er det interessert i båt plass? Ta kontakt med Grannabryggjo!

Kontaktperson: Gunnar Fresvik

De finner all nødvendig informasjon på heimesida til Grannabryggjo.

Grannabryggjo.no



Det tidlegare næringsbygget på Hovland skal inn i ein ny tidsepoke. I nærmare eitt år har det blitt jobba intensivt med prosjekterande og arkitekt. Endeleg er ferdig løysing klar.

Her kjem det ni attraktive og topp moderne leilegheiter. Bygget vil mellom anna innehalda to romslege hageleilegheiter med flott uteområde. Alle bueningane får panorama terrassar med slående utsikt, sportsbod og parkering.

Dette vil bety eit stort løft for lokalsamfunnet. Det skal investerast store summer i prosjektet. Det vil blant anna verta installert heis i bygget som gjer at alle leilegheitene vil vera attraktive og tilgjengelege for alle aldersgrupper. Prosjektet kjem for sal i desember. Ein ny epoke startar her!

Lofthus bygg skal gjennomføra arbeidet frå start til slutt. Det er eit bevisst fokus på å bruka lokale og kjente leverandørar som representerer kvalitet.



Ser dette spennande ut? Sjekk ut www.fjordenpanorama.no og meld di interesse.

Dette vil verta eit av dei største bustadprosjekta som er planlagt i vårt område, og ein sjeldan moglegheit for deg som er på utkikk etter leilegheit!

Lag og organisasjonar



Føyk er eit lite idrettslag med god aktivitet. Føyk har som mål å skipa lokal aktivitet blant bygdefolket. På bakgrunn av dette prøver me jobbe med små og store prosjekt lokalt. Både vaksne og born i området skal ha eit aktivitetstilbod frå oss. I ein travel kvardag treng me lokale eldsjeler som hjelper oss med arrangement, treningar og dugnadar når det trengs. Ein stor takk til dei som engasjerer seg som trenarar og bidreg med andre ting i og for laget. Me vil takka alle som er medlemmer i dag. Hugs at me har plass til fleire.

«Saman får me til det me vil»

Dei lokale treningane er endeleg i gang for fullt etter ei spesiell tid med Covid-restriksjonar. Idrettsskulen for born og unge vert arrangert i vekedagane, og byr på mange varierte aktivitetar. Me tilbyr all idrett, turn, friidrett, ballspel, klatring, symjing, ski og bowling i løpet av året. I januar 2021 fekk me nytta skøyteisen i idrettsskulen i mange veker.

Damene i bygda trenar måndagane, og menn har trening torsdagskvelden.



Barne- og ungdomstreningar haust 2021



Merknader: Betaling: Føyk dekkar kostnader for alle aktivitetar
Påmelding: Sjå nedanfor - følg med på facebook

Veke	ALDER			
	1.-2. klasse Mandag 18.00-19.00	3.-4. Klasse Man/Tors 18.00-19.00	5.-7. klasse Tysdag 18.00-19.00	8.-10 klasse Torsdag 18.00-19.00
42 (18.-24.10.21)	Klatring på Sekse saman med 3. og 4. klasse Ansvarleg: Iren Sekse Sikring veke 42: Solrun, Jonny, Hjelvar, Silje Sikring veke 43: Jonny, Bjørg, Reidar	Klatring på Sekse saman med 1. og 2. klasse Ansvarleg: Iren Sekse/Bente Svoldal OBS!! Treninga vert på mandag klokka 18.00.	Gymnal: Volleyball/badminton Ansvarleg: Kari Sekse	Vaifri aktivitet
43 (25.-31.10.21)				Vaifri aktivitet
44 (01.-07.11.21)	Ute/Gymnal: Leik/ballspelel Trenar: Ann Kristin Espe	Bowling på Lofthus/Mandag Ansvarleg: Inger Gunvaldsen OBS: Påmelding - sjå facebook	Bowling på Lofthus Ansvarleg: Kari Sekse OBS: Påmelding - sjå facebook	Vaifri aktivitet
45 (08.11.-14.11.21)	Ute/Gymnal: Leik Trenar: Ann Kristin Espe	Klatring saman med 5.-7. klasse. OBS! Treninga vert TYS DAG klokka 18.00	Klatring på Sekse Ansvarleg: Ingrid Sekse	Bowling på Lofthus
46 (15.-21.11.21)	Ute/Gymnal Trenar: Eva Birken			Vaifri aktivitet
47 (22.-28.11.21)	Gymnal Trenar: Silje Sekse	Uavklart - sjå facebook	Bading i Odda Ansvarleg: Ann Kristin Espe OBS: Påmelding - tyssdag eller torsdag - sjå facebook	Vaifri aktivitet
48 (29.11.-05.12.21)	Gymnal Trenar: Eva Birken	Bading i Odda Ansvarleg: Kristin Holsen Børve OBS: Påmelding - tyssdag eller torsdag - sjå facebook	Gymnal: Ballspelel Trenar: Brit Ulriksen	Bading i Odda
49 (06.-12.12.21)	Klatring på Sekse saman med 3. og 4. klasse Ansvarleg: Iren Sekse	Klatring på Sekse saman med 1. og 2. klasse Ansvarleg: Iren Sekse/Bente Svoldal		Vaifri aktivitet
50 (13.12.-19.12.21)	Sikring: Reidar, Solrun, Bjørg	OBS!! Treninga vert på mandag klokka 18.00 desse vekene	Gymnal Trenar: Ingrid Sekse	Aktivitet med avslutning - sjå facebookgruppe
51	Juliferie			
Aktivitet	Påmelding	Kontaktperson	Tlf.nr.	
3.-4. klasse veke 44 og 48 - Bowling /Bading	Sjå facebook for info.	Bente Svoldal	91859388	
5.-7. klasse veke 44 og 47 -Bowling/Bading	Sjå Facebook for info.	Kari Sekse	91692086	
Treningar for 8.-10. klasse	Eigen Facebookgruppe	Bente Svoldal	91859388	

Liatravaren og Vintertravaren er vår årlege tursatsing. Via Trimpoengappen kan turgåarar registrera seg og få full oversikt over innsjekk og poeng i konkurransen. Ein kan også fylgja med på kor ein ligg an i forhold til andre. Me har ulike klassar som vert premiirt kvart år. Deltaking er gratis for Føyk-medlemmer. Me forsøker å utbetre merking, stiar og grindar litt etter litt. I det siste har Føyk i lag med IAG bytt ut eit par gamle grindar med nye enklare variantar mot «Storelvi».



Me har laga og montert nye flotte skilt i Sekselia. Skilta er laga av Karl Arvid og vårt eige styremedlem, Øyvind Andersen. Flotte skilt som viser stadnamn oppover lia, samt høgde over havet. Nokre av skilta er påmåla flotte motiv av lokale kunstnarar.



I 2020 vart klatreveggen vår ferdigstilt. Prosjektet hadde ein kostnad på over 300.000,-. Me fekk inn midlar frå fleire bidragsytarar, og hadde minimal kostnad til prosjektet sjølve. Det vart som alltid ein del dugnadstimar i samband med prosjektet. I forbindelse med at klatreveggen vart bygd har me i tillegg gjennomført sikringskurs for 6 foreldre og 6 barnehagetilsette i løpet av 2021. Så no kan barnehagen nytta klatreveggen. Klatreveggen er eit flott tilbud til medlemmene våre og barnehagen i grenda. Det er ikkje alle barnehagar som har eigen klatrevegg. I idrettskulen nyttar me veggen flittig. Planen er oppstart av faste klatretider for born og vaksne.



Den flotte bryggja på Sekse er kome på plass ved hjelp av godt samarbeid med IAG. Me er svært nøgde med at prosjektet nærmar seg ferdig. Det gjenstår litt arbeid på gapahuken. No har me ein flott samlingsplass for bygdafolket med rom for bading, fiske, og sosialt samvær. I sommar vart det montert stupebrett og utedusj på bryggja. Når gapahuken vert ferdig er planen at me skal installere ein fast sekskantgrill, som kan nyttast på bryggja.



Føyk 80 år

I 2021 er Føyk 80 år.

Me hadde planar om ein omfattande jubileumsfest for heile bygda i 2021, men grunna Covid, måtte me utsette denne. Me satsar på ein flott fest i 2022 – og håpar at de kjem på bygdefest i 2022 i staden.

Laget vart skipa den 18. april 1941 som «Føyk Idrott og Turnlag for Sekse- og Børvegrendi». I referatboka står det: «Laget hev til fyremål gjennom kroppskultur å styrkje helsa og godt kameratskap». Medlemspengane var kr 1,- i 1941. Laget hadde turn- og gymnastikk to kveldar i veka. Dei skipa to skirenn oppe på Vatnaset i 1941. Totalt var det 41 deltakarar. Dei var spreke på den tida – fyrst opp lia og så skirenn.

Den vidare historia til Føyk gjennom tidene kan de lesa om på sida vår via www.indreaustsio.no .

Under ser de utdrag frå Harding Sport – eit eige medlemsblad for idrettslaga i området som vart utgjeve i 1974. Her skriv Olav Børve om historia bak namnet Føyk. I tillegg er det eit flott intervju med dåtidas formann, Sjur E. Børve. Sjur oppfordra då dei eldre til å engasjera seg i arbeidet. Me vert svært glade om fleire «eldre» vert med på laget no i desse tider og 😊

Ta gjerne kontakt med oss dersom du har noko på hjarta.

Alle er velkomne som medlemmer hjå oss. Om de vil lesa meir om kva me driv med, kan de lese gå inn på Føyk via www.indreaustsio.no . Me har også eiga Facebook side.

Me ynskjer medlemmer og bygdefolk ei riktig god jol.

Helsing styret;

Bente Svoldal, Ingrid Larssen Sekse, Kari Sekse, Øyvind Andersen, Oda Tyssebotn og Tale Hauso.

Idrottslaget vårt var namnlaust. Hans Sekse kom med forslag at laget skulle heita F Ö Y K. Me tykte alle at namnet hövde. I avisor og meldingar smiler FÖYK i dag mot unge og eldre i grendi, som ei hyggeleg og gild helsing.

Idrotten styrker og godt samarbeid og venskapen mellom bygde-ene.

På reiser har eg sett mange unge, ulukkelege narkotika. Idrott og friskt turliv er beste vern og tryggleik mot narkotika.

Olav Börve,

⑧

Føyk - formannen:

Vi har hatt eit lite intervju med formannen i Føyk, Sjur S. Börve.

-Me har trening måndag, onsdag, og fredag, alle over 14 år trenar frå kl. 19-21 alle treningsdagane. Gutane under 15 år har trening måndag og fredag frå kl. 17-19.00, ventene har trening frå 17.30-19 kvar onsdag.

-Aor mange medlemmer er det i Føyk og korleis er aldersfordelinga. Kva idrettsgrein vert det satsa mest på? -

Det er ikring 60 medlemmer i laget, men eg er litt skuffa over dei eldre i bygda. Det er for lite med! Det hadde ikkje vore oss imot om vi i alle fall hadde fått litt meir hjelp i styre og stell frå den kanten. Elles ligg interessa helst rundt fotballen. Nokre få satsar litt på friidrett.

- Kva tykkjer du om Haring? -

-Det er ein god id. Det har vorte mykje større aktivitet i fjorden, særleg innan friidretten. Haring har letta mykje av arbeidet for styra i lokallaga. Ein har òg Haring til å puffa bak eit lag dersom det har ein tenning til å sovna inn.

- Har du noko utdanning i dette arbeidet? -

Nei, det er heller skralt med det. Eg har ikkje anna enn eit tillitsmannskurs.

- Men du som er borte, får du ikkje nok trening gjennom arbeidet, og korleis får du tid til å trenast? -



"Dei "eldre" må meir med i idrettsarbeidet!"

-Under arbeid er det berre enkelte musklar i bruk. Når eg går på trening, får eg røynta dei som ikkje vert brukte i arbeid òg. Og ikkje minst: Det er moro å driva idrett! Har ein interesse for ein ting, er det ikkje noko problem med tida.

- Er det mykje arbeid som formann? -

-Det er nok mykje arbeid for ein som vil driva laget bra. Eg likar godt å vera aktivt med i idrett, men eg er ikkje fullt så begeistra for alt arbeidet som følgjer formannsjobben, så derfor vert det ikkje alltid gjort så mykje frå mi side som det burde vere.

K. Börve.

Alt i SPORT
 Gå til Kjellevold!
 John H. Kjellevold
 Tlf. 41201 ODDA



Foto: Lånt av Johannes H. Sekse. Føyk bilete frå ein treningskveld i 1969.

Børve – Sekse – Espe eldrelag



Eldrelagsmøte 10 november i Grannatun

Laget har i dag omlag 30 medlemmar og har i normale tider møte i Grannatun oftast den fyrste onsdagen i månadene oktober til og med april der me har litt underhaldning og servering av kaffi og noko å bita i, ei lita utlodding og mykje prat.

Møteplanen for dette året og våren 2020 er jolebord 15. desember, 12 januar, 9 februar (som også er årsmøte), 9 mars og 6 april med moglegheit for ein dagstur som avslutning på sesongen i mai.

Styret fram til februar 2022 er: Leiar Jon Arne Meland tlf. 90563738, e-post: jonarnem@online.no, Leiv Harald Ystanes Borghild Marie Meland, Inga Sandstå, Gunnbjørg Sekse. Anve Tveit og Kirsten Sekse varafolk.

Espe Bygdekvinnelag

Leiar: Liv Jorunn Liknes

Nestleiar: Borghild Marie Meland

Espe bygdekvinnelag har i dag 20 medlemmar. Det har vore roleg med aktivitetar i året 2020 og 2021. Aktivitetar for 2022 er ikkje på agenda endå.

Søndag 5 desember kl. 17:00 vart det arrangert jolebasar i regi av Espe bygdekvinnelag.

Espe Grannalag



Rundt ein sving, opp ein bratt bakke, midt i ei lita bygd ligg det raude ungdomshuset. Huset har opplevd mykje og mangt i åra sidan byggjeåret i 1930. Det har husa både gravøl og bryllaupsfest, dåp og konfirmasjon. I dag er huset både i bruk av Grannalaget og til utleige for folk i krinsen. Etter nokre rolege månadar med korona har Grannalaget i haust vakna så smått til livet og haustpuben som vart skipa til i midten av oktober var godt

besøkt. Her var det kviss, ølsal og jamt over god stemning! No gler styret i Grannalaget seg til det årlege smalahovelaget som blir laurdag 20. november.

- Det er kjekt at det skjer noko i krinsen og at dei ulike generasjonane i bygda har ein naturleg møteplass, seier styreleiar i Grannalaget, Guro Kvalnes.

Vil du følgje med på kva som skjer hjå Espe Grannalag? Føl oss på Facebook, då vel!

Grannatun



Eit bygdehus til glede for alle i bygdene Sekse, Børve og Hovland.

Førespurnad om leige kontakt Solrun Børve tlf. 91 75 08 66.

Leiar: Arnt Stenhjem

Kasserar: Marianne S. Johannesen

Skrivar: Solrun Børve

Styremedlem: Margit Børve / Aleksander Nakkerud

E-post: grannatunsekse@gmail.com

Hendingar framover:

Marknad søndag 23.01.2022 kl. 15 00 :

I år vert det ein ny vri. I år vert det lagt ut eit skriv med ynskje om at husstandane donerer ein sum på vipps/konto til støtte til Grannatun. Me vil huse ein bingo med flotte premiar og sal av kaffi og kaker.

Grannaveitla laurdag 5 februar 2022 kl. 20 00:

Billett inkluderer band og spekemat. Det blir moglegheit for å kjøpe nattmat seinare på kvelden. Påmelding kjem.

Følg oss på Facebook ! Og vel gjerne Grannatun som grasrot mottakar på norsk tipping 😊

Børve / Sekse Bygdekvinnelag

Møteplass for aktive kvinner.

Bygdekvinnelaget er pådrivar for levande bygder. Me er opptatt av sosiale tiltak i bygdene, og er forkjempar for kvinners økonomiske og sosiale rettigheter.

Du kan engasjere deg og påverke politikken i ditt lokalsamfunn. Me hjelper og støtter kvarandre, i det nære og over landegrensene. Eksempel kvinneprosjekt i fattige land.

Me tar vare på og sprer kunnskap om norsk matkultur og mattradisjonar Bygdekvinnelaget er ein pådrivar for skulemat.

Hos oss kan du delta i varierte og spanande aktivitetar, gjennom kurs og inspirasjonsseminar. Der ein treff lokallag frå heile landet og utvekslar idear om kultur og lokalt arbeid for å skapa levande bygder. Å være med i eit bygdekvinnelag er sosialt og triveleg.

Laget er for kvinnene i bygda, og på tvers av generasjonar (18-100 år)
Børve/Sekse bygdekvinnelag vart stifta i 1962. Me har ca. 6 medlemsmøter i året, som vert halde i bygda rommet i Sekse barnehage. Laget bidreg med dugnadsarbeid når andre lag i bygda treng det.

Aktivitetar i Børve/Sekse bygdekvinnelag 2022 :

Treningshelg med yogaøkt på Sekse v/ Kjersti M. Føllesdal.

Ope møte med hjartestartar kurs i Grannatun.

Familiesamling med grilling og natursti på Sekse.

Påskelotteri.

Kulturhelg for medlemene.

Kranselaging i Grannatun.

Ta kontakt om du har lyst å vera med i Bygdekvinnelaget.

Kontaktperson : Signe lise Børve , leiar. Mobil: 48213341



Grannabryggjo

Grannabryggjo vart stifta 2. mai 2015 og vart tatt i bruk november 2018. Anlegget har totalt 41 båt plassar og det er no 4 ledige plassar. Medlemskontingent er for 2021 på 250,- Medlemmar av Grannabryggjo får rett til å setja ut/ta opp båt.

Styret i Grannabryggjo er:

Styreleiar: Bodil S. Nakkerud

Nestleiar: Terje Mala

Styremedlem: Gunnar Fresvik, Kari Svåsand, Sam T. Sekse

Vara: Terje Midtun og Torgeir Røystrand

Kontaktperson for Grannabryggjo er Gunnar Fresvik.

Vevstova på loftet i Grannatun



Me har i «alle år» hatt ståande 6 vev-stolar på loftet i Grannatun. Dette er vevsar som alle er velkomne til å bruka. Vevane står ferdige til bruk. Det er berre å ta kontakt. Me har og eit lite lager av vev garn som kan brukast.

Kontaktperson for vevlaget : Grete L. Børve 48 15 11 35



Næringsliv

ISKLAR AS

Isklar AS lokalisert på Hovland er et datterselskap i konsernet United Bakeries. Isklar er varemerke for norsk vann tappet på flaske.

Vannet kommer fra kildene som ligger over Reisetser på vestsiden av Sørfjorden. Vannet ledes fra kildene gjennom to rør som krysser fjorden fra Bleie og over til fabrikkens på Hovland.

På Hovland tappes vannet på flasker som igjen pakkes på paller før varene sendes med bil og videre distribueres i hele Norge.

Det produseres ca 40 ulike forpakninger/varianter med vann ved Isklar.

Noe er naturlig mineralvann, noe inneholder kullsyre og gjerne en smakstilsetning med naturlig fruktaroma, alle produktene er sukkerfrie.

Størrelse på flaskene som nå produseres er 0,46 liter, 0,5 liter, 0,66 liter og 1,5 liter.

Det er totalt 12 ansatte ved Isklar AS, 8 av disse er ansatt på Hovland, øvrige er ansatt på hovedkontoret i Oslo.

På Hovland foregår produksjon av vann på flaske, analyser/kvalitetskontroll, og distribusjon til kunder.

Fabrikkens åpningstider er alle hverdager fra 07:00 til 15:00.

Kapasiteten ved tappeanlegget er 10 flasker pr sekund uavhengig av flaskestørrelse.

Å bygge en merkevare tar tid, slik har det også vært for Isklar.

Produksjon og salg har økt sakte men sikkert år for år, de siste årene.

I sommersesongen når salg er på topp, leveres gjerne ukentlig 15-20 fulle semitrailere med vann fra anlegget på Hovland.

Isklar er blitt en betydelig aktør i det Norske markedet.

Isklar markedsføres i hovedsak gjennom ulike sponsoravtaler som Skilandslaget, Magnus Carlsen med flere.

Bedriften har også fokus på godt samarbeid med lokalmiljø og naboer.

Lokale foreninger og lag blir sponset med vann til ulike arrangementer.

Lokale aktører deltar også gjerne på «dugnad» når det er kampanjer hvor vann skal pakkes manuelt.

Bestselgeren har alltid vært naturlig mineralvann uten kullsyre, tappet «direkte fra kilden».

Salg av vann med kullsyre og smak har i senere tid økt, bestselgeren med vann som har smak er «smak av Granateple».

Hvert år lanseres nye spennende smaker, den siste smaken var Sitron & Ingefær.

Isklar har ambisjoner om videre vekst i det Norske markedet.

Vekst oppnås gjennom god markedsføring, godt omdømme, kvalitet og produkter som kundene etterspør.

Atle Aakre Karlsen

Fabrikkssjef



Foto: Isklar AS

Sekse Barnehage

Sekse barnehage er ein to-avdelings barnehage som ligg plassert midt i smørauga mellom fjord, fjell og frukttrær i Ullensvang kommune. Plasseringa gjev oss mange gode mogelegheiter til variert uteliv, noko me nyttar oss mykje av i kvardagen. Me samarbeider god med foreldre, bønder og andre i nærmiljøet, har faste turområde me går til, og borna i alle aldersgrupper er ute på tur minst ein gong i veka, der blant anna leik i gymsal og klatrevegg er noko av aktivitetane me kan tilby. Borna er fordelt på to avdelingar etter alder og utvikling, og me har fokus på små grupper for at kvar enkelt born skal dei beste mogelegheitene for å kjenna seg trygge, trivast og utvikla den beste utgåva av seg sjølv.

I same bygg som barnehagen ligg og sfo, Dei har eit ettermiddagstilbod der borna kan få leksehjelp, leika og vera med på ulike aktivitetar både innandørs og i nærmiljøet. Barnehagen og sfo har eit nært samarbeid.



Hardangergutane AS

Hardangergutane AS som selskap, vart etablert i 2015 av dei to brørne Kristian og Karl Magnus. Drifta starta opp på familiegarden på Sekse.

Dei siste åra har verksemda ekspandert og produksjonen auka. Hardangergutane er i dag ein av dei større eplemost- og siderprodusentane i Hardanger og har utvikla seg til å bli ein nasjonal aktør med 4 heilårsansatte (Inger, Anna, Kristian og Karl Magnus) i tillegg til 5 - 6 lokale ungdomar som hjelper til i skuleferiar og høgsesong.

Sesongen 2020 vart Hardangergutane fast stoppestad for Sidercruise ruta i Sørfjorden og starta i denne samanheng matservering som held ope i sommar sesongen. Hardangergutane tilbyr no heimelagde pizza kor me bakar botnane sjølve i kombinasjon med eplemost og sidersmaking. Konseptet vart godt motteke både av lokale og tilreisande og har bidratt til å bli ein sosial møtestad for små og store.

Hardangergutane har ambisjon for vidare vekst og er opptekne av å ivareta og vidareutvikle gamle tradisjonar og historie knytt til fruktnæringa i regionen.

Fleire av våre produkt som Vindpust, Solglimt og Fjellskrent Eplesider er å finne i hyllene hjå Vinmonopolet, i tillegg til at du finn eit rikholdig utval både med og utan alkohol i gardsutsalet vårt.

Meir informasjon om Hardangergutane finn du på nettsida www.hardangergutane.no

Med helsing

Inger Gunvaldsen, økonomi og markedsleder



Espe Gardsmat – Produksjon av kjøt frå vestlandsk raudkolle

Espe gardsmat vert drive av oss -Knut Arne og Ann Kristin. Me driv med produksjon av kjøt frå Vestlandsk raudkolle og leverer kjøt til både privatpersonar i lokalområdet og restaurantar i Bergen.

Å drive med Vestlandsk raudkolle var noko me bestemte oss for i 2014, då kom det to drektige kyr til Espe. Me fekk beskjed om at dei skulle kalve i februar, men vart overraska då dei kalva i jula i staden for. Heldigvis gjekk det bra, vestlandsk raudkolle er kjent for å ha lette kalvingar.

Vestlandsk raudkolle er ein kurase som lenge har vore kritisk utrydningstrua. Men heldigvis viser tala at det går rette vegen, og me er stolte av å vera med på denne utviklinga. Det krev ein del planlegging og ansvar når ein held på med avlsarbeid av ein kritisk trua rase, dette er eit arbeid som me ikkje tar lett på. Avlsoksane me bruker er nøye utvalt og sjekka opp mot Norsk genressurscenter i NIBIO, her sjekkar me innavlsgrad og pec verdi – altså kor mykje av stamtavla som er kjent. Lynne er sjølvsagt også svært viktig.

I dag har me sakte men sikkert auka antal dyr til 17 (15 kyr og 2 avlsoksar). Me er veldig opptatt av å ha rolege og trygge dyr, derfor bruker me mykje tid ilag med dei. Og spesielt når kalvane er små er det viktig å bruke tid på skape eit godt forhold, derfor har me kalving i februar/mars, det gjer at me får mykje tid ilag med kalvane før me slepp dei ut på beite. Dei går ute på beite frå mai til oktober, største delen av tida er dei oppe på den gamle stølen – Svarthamar som også i gamle dagar vart nytta som beite til kyr som dei hadde på garden. Det er stas å kunna nytta desse gamle verdiane, og her er Vestlands raudkolle ein veldig god landskapspleiar, det ser veldig fint ut etter at dei har vore der - glade grasfora dyr i vakre omgjevningar. Grasfora fordi me nyttar veldig lite kraftfôr i drifta, kraftfôr vert kun gjeve som snop på beite og litt under kalvinga.

På hausten er det tid for slaktning, då slaktar me oksekalvane. Me transporterer dei sjølv til Larsastova, som er eit privat gardsslakteri i Folkedal. Her vert kjøtet skore og pakka. Kjøtet tar me tilbake og sel gjennom Reko-ringen og gjennom vår eigen gardsbutikk her heime i tunet. Vaksne dyr som vert slakta blir seld til restaurantar, me har fleire gonger levert kjøt til michelin-restauranten Bare Restaurant i Bergen. Tilbakemeldingane me har fått har vært svært gode, og frå kjøkkensjefen frå Bare Restaurant fekk me følgjande tilbakemelding: *«Tusen takk for fantastisk flott kjøtt. Det jeg liker aller best er marmoreringen i kjøttet, og smaken på det etter henging. Det er noe av det beste jeg tror vi i Norge klarer å oppdrive»*. Til og med Thomas Giertsen som var konferansier under michelin utdelingen har sagt at det var noko av det beste kjøtet han hadde smakt.

Slike tilbakemeldinger gir motivasjon til å fortsette med dette viktige arbeidet.



Spansteigen Gard – eit familiefåretak

I 2012 kom familien Sekse/Svoldal til Sekse. Familien på 4 ville flytte heim til Hardanger, og fekk overta familiebruket på Sekse. Spansteigen er eit lite bruk som dei siste åra har hatt sauedrift som hovudnæring.

Me har ein liten flokk med sauer, og trivest godt som bønder. Tidleg såg me at det var mogeleg å gjere nokre grep for å nytte det flotte kjøtet frå eigen flokk i eigen matproduksjon. Tradisjonsmat er noko som alltid har vore viktig på bruket vårt. Det vart etter kvart fleire som var interessert i å kjøpe varer frå oss direkte. Så i 2016 starta me opp foredling av eige kjøt – for å laga produkt som skulle seljast frå garden.

I alle år har det vorte produsert og foredla lokalmat i Hardanger. Spansteigen Gard ynskjer å vidareføre denne tradisjonen, og tilby tradisjonsmat basert på kvalitetskjøt frå sau og lam som har beita på Hardangervidda. Produkta er laga i produksjonslokala våre på garden.

Me produserer middagspølsa «Fjordakorv», spekepølsa «Spekjen Harding», Hakkasteik, Fenalår, Eldhusrøykt pinnakjøt, pinnabog og rygg. Produkta vert laga basert på gamle oppskrifter som har vore med oss i generasjonar. Kjøt og pølser vert røykt i eldhuset. I dag sel me varer til privatpersonar, butikkar og bedrifter. Me har no kundar over heile landet.

Kapasiteten i dag gjer at me faktisk kunne seld mykje meir enn det me klarar å produsere. Per i dag, produserer me maks av det me klarar i lokala våre. Planen vidare er å utvide drifta ved blant anna å bygge nytt produksjonsbygg på garden. Tida vil vise kva som skjer, men me veit at det er ein god marknad for lokalmat for dei som vil satsa.

Me har ein travel, men kjekk kvardag. Sidan me sjølve har kontroll på råvarene, veit me at kvaliteten på kjøtet som me nyttar i produksjonen er god. I tillegg veit me at sauer og lam som har hatt det bra, har betre kvalitet på kjøtet. Kjøtet frå sauene og lamma her i området er av ypparste kvalitet. Mykje av grunnen til dette er lite medisinerbruk, kun nødvendig bruk av kraftfor og gode beitetilhøve på Hardangervidda. Og så er det utruleg flinke sauebønder i området som tek godt vare på dyra sine. Nettopp difor er me opptekne av å nytte lokale råvarer.

Det viktigaste for oss er at dyra har det bra. Me brukar mykje tid på den vesle flokken vår. Dei får godt stell. Hardangervidda har alltid vore ein viktig del av ressursgrunnlaget til gardsbruka langs Sørfjorden. På stølen Munkabu og i området rundt, har dyra våre tilgang på frodige beite frå juni til september. På våren og haustane nyttar me heimebeitet og liane. Sauene av NKS rase går ute så lenge det let seg gjere. Villsauene våre går ute heile året. Følg oss gjerne på Instagram og Facebook. Der kan de sjå litt av det me driv med i det daglege.

Me vil takka alle kundar som år etter år kjøper produkta våre. Me likar skryt. Me er og er også svært glade for andre tilbakemeldingar, slik at me kan forbedre oss. Det er kjempekjekt å bu i ein krins der det er så mange nytenkande og dyktige bønder. Dette flotte miljøet skapar eit glimrande grunnlag for at me alle skal kunne lukkast som bønder, og ikkje minst som produsentar av lokalmat og drikke. For kva er vel ei bygd utan nyskaping og samarbeid?

Har de hugsa å vatna ut pinnakjøtet i år? :)

Me ynskjer alle saman ei riktig god jol.

Helsing alle oss på Spansteigen Gard



Foto: Spansteigen Gard

Heit Sjørfjorden Sauna



Foto: Tor Hveem

Freistar det med eit friskt fjordbad med påfølgjande økt i ein varm sauna? Då er Heit Sjørfjorden Sauna staden for deg. Den vesle vedfyrte saunaen ligg på kaien nede ved fjorden på Børve. Med utsikt til fjorden, fjella og fonna kan du slappa av og ta del i det som har vore eit ritual for menneske opp gjennom tusenvis av år. Pust inn, pust ut, du er i Hardanger.

Ope på førespurnad i vinterhalvåret. Ting ditt besøk på nettstaden: <https://www.heitsauna.com/>

Hardangerbonden

Me overtok garden i årsskifte 2013/2014. Det var ikkje planlagt at me skulle overta, men på grunn av alvorleg sjukdom og dødsfall i familien, så vart det plutselig no eller aldri.

Me utdanningar som lærar og petroleumsingeniør hadde me mykje å læra om fruktdyrking. Og utan ein kårkall som kunne føre kunnskapen vidare, vart avgjerande for oss å ha gode naboar som stilte opp seint og tidleg. Me vil spesielt retta ein stor takk til Reidar og Torstein Sekse!


Det tok ikkje lang tid før me drøymde om å starta saft- og siderproduksjon. Utfordringa var mangel på eigne lokale. Sidan mange frukttre var klare for utskifting måtte me investera i dyrking og planting før me kunne tenka på å investera i produksjonslokale. I 2020 kom me endeleg i gang med ein prøveproduksjon av eplemost og sider. Me fekk både pressa og tappa hjå Hardangergutane og trong difor berre plass til sidertankar på garden. Resultatet av prøveproduksjonen vart to typar eplemost; Odelsjento og Mormor, og to typar sider; Bonden og Drengen. Produkta sel me frå garden, til butikkar og restaurantar, i tillegg er sideren å finne i nokre vinmonopol.

No går me mot slutten av 2021 og eit nytt produksjonslokale har reist seg i tunet vårt! Her vert det både råvarekjøl, produksjon, rom til sidersmaking og eigen butikk/gardsutsal. Me gler oss til å ta i bruk og ikkje minst til å invitara bygda til innviingsfest!



På bilete: Ingrid Larssen Sekse og Bård Steven Vedvik

Thord Paulsen – avdeling Hovland



Aleksander t.v. har gått i lære hjå Bjørn, som i si tid lærde av far sin. Sjølv om verksemda er seld til Thord Paulsen, er det dei to som held hjula i gang her ute i fjorden.

Mellom mutrar og maskiner

Det meste av livet sitt har Bjørn Svoldal levd mellom mutrar og maskiner. I 1982 overtok han verkstaden som far hans starta i 1956. I dag er barnebarnet, Aleksander Svoldal Nakkerud, i ferd med å overta ansvaret.

Me snakkar om «Thord Paulsen - avdeling Hovland».

Tekst og foto: Johannes H. Sekse

Det er på sett og vis noko naturstridig at det ligg ein veldriven bilverkstad på Sekse. Men det har si forklaring og si soge.

Det starta med Kåre Svoldal. Han arbeidde som mekanikar hjå Skåltveit i Odda. På fritida tok han på seg ein del ekstrajobbar på naustlemmen heime på Sekse.

Dette auka på og I 1956 kunne han starta for seg sjølv i nytt verkstadbygg nokre meter nord for naustet.

Her «vaks» sonen Bjørn (fødd i 1951) nærmast opp, «mellom mutrar og karosseri», som han sjølv seier. Og fekk med det, truleg den beste opplæringa han kunne få.

Skifta namn

Bjørn overtok i 1982. Seks år seinare, bygde han på ein ekstra etasje med kontor, pauserom, garderobe og lager.

Hausten 2005 skifta verksemda namn frå «Mekanisk Industri og Autoverkstad» til «Maskin og Bil, Hovland», med Olav Stana og Inge Rønning i Skien med på laget. Året etter bygde dei butikk og kunne tilby eit mykje større vareutval. Nokon år etter det, vart Opedal & Sønner medeigar. Dei hadde mellom anna stor interesse av at kjellarhøgda kunne ta imot store køyretøy og anleggsmaskinar.

Selde verksemda

Då dei nokon år seinare trekte seg ut, fylgde Stana med, medan Bjørn noko etter det selde heile verksemda til vinterveghealten i Odda. Bjørn sjølv gjekk frå eigar til tilsett i verksemda «Thord Paulsen - avdeling Hovland».

Men familien heng med vidare. I 2014 byrja nemleg barnebarnet til Bjørn – Aleksander - som lærling her, etter tre år på fagskulen i Odda. Han tok både førarkort og fagbrev og er i dag fast tilsett. Og har alt lagt bak seg 10 år i verksemda

Tjuefemåringen (25) har overteke det daglege ansvaret for drifta, medan Bjørn, som i skrivande stund rundar 70 år, siktar seg inn mot ei gradvis nedtrapping.

«Mykje av livet mitt sit i veggane her», seier han. «Så eg vil prøva å hjelpa til med det eg orkar og kan ei stund til».

Kunnskap i arv

Verksemda tilbyr i dag «Service, Bremsar, Clutch, Dekkhotell, Dekksal, Diagnose, Eksos, Elektronikk, Feilsøking, Hjulstilling, Leigebil, Mekanisk Periodisk køyretøykontroll».

I tillegg kan me føya varer og tenester innan landbruk. Dei importerer og sel mellom anna frukttresprøyter, og føretekn pliktige utstyrtest.

Den faglege kontinuiteten, kunnskap som har gått i arv, gjer at verkstaden kan utføra langt meir enn på mange andre verkstader i dag. Om ting kan sveisast eller dreiest, gjer dei gjerne det i staden for å skifta ut heile komponentar. Landbruksbiten er også ein viktig del, både av butikken og verkstaden.

Og dei som bur i grannelaget, er veldig glade for at dei har dette tilbodet i nabolaget.



Mykje har skjedd med bygget sidan Kåre, far til Bjørn opna verkstaden i 1956. I dag har oldebarnet Aleksander overteke det daglege ansvaret.



Romsleg og innholdsrik butikk. Her finn du det meste frå store atv'ar til små skruer, seier to-spannet Bjørn og Aleksander.

Vigleiksvarden og byen Thor

Vigleiksvarden er eit spesielt landemerke ved buførevegen til Seksegardane og Hovland. Byen Thor ligg i Iowa i USA. Dei har noko felles.

Tekst og foto: Johannes H. Sekse

Vigleiksvarden er ein omlag 1,30 meter høg stein av hard gneis. Reist av Vigleik Hansson Sekse Rogdo, fødd i 1769.

Han vaks opp på Rogdo, men då han vart enkjemann, overlet han garden til sonen sin Hans. I 1838 flytta han over fjorden, til Sekse, og gifte seg oppatt. Då med Kristi Halldorsdotter Espe. Ho var enkje etter det såkalla og fatale «Espebrudlaupet».

Stasjonsby på farmen

Men han overlevde også henne. Og endå ein gong vart han enkjemann. Men gifte seg for tredje gong – då med Ingebjørg Olsdotter Jøsendal.

Dei fekk tre gutar: Ola, Ola og Vigleik. Sistnemnde drukna i eit forlis ved Island. Dei to andre, som til vanleg vart kalla for Størst Ola og Minst Ola, flytte begge til Amerika og slo seg ned der. Størst Ola brukte namnet Ole Willicksen (Ola Vigleiksson). Og på farmen hans vart det seinare etablert ein stasjonsby.

Kom frå Sekse

Ola var norsk i sinn og skinn. Han døypte byen for Tor (Thor) etter den norrøne guden. Thor er i dag ein jordbrukskommune som, i følgje Wikipedia, opprinneleg og i hovudsak vart bygd opp av skandinaviske immigrantar. Busetjinga starta alt i 1869. I Wikipedia står det at Ola kom frå Stavanger. Han kom altså frå Sekse, garden som ein av slektningane og etterkomarane - Petter Sexe Ulriksen driv i dag.

Ola gav elles pengar til kyrkja i byen, som fekk namnet Ullensvang kyrkje. Thor hadde på det meste rundt tre hundre innbyggjarar. I dag rundt 180.

Sende pengar

Kvar jol sende han pengegaver til borna på Sekse, som dei skulle bruka til felles jolefest.

Størst Ola tok mange turar heim att til gamlelandet og ikkje minst Seksetunet, mellom anna sommaren 1901.

Han budde då hjå slektningen sin Halldor W. Sexe (far til besto mi, Marita (Malla) Halldorsdotter Sexe.) Ho var ti år då.

Amerikabesøket må ha sett djupe minne, for ho fortalde mang ein gong om eit spesielt hende denne sommaren.

Hogg årstal i varden

Eit av ærenda til Ola denne gongen, var nemleg å hogga inn årstal og namnebokstavane (initialane) til faren, i varden som han hadde reist i si tid.

Ein av grunnane til at besto mi mintest særleg den dagen, vart at ho vera med å leggja nistemat og anna i skreppo hans. Kristen Hovland var lagmannen hans på denne turen.

Ærendet vart utført. (Men av ein eller annan grunn står det «f. 1770» på steinen, medan det i ætteboka til Aamund K. Bu, står 1769.)

Uansett er det litt rart å tenkja på at han som hogg inn bokstavane og årstala fil far sin på ein varde høgt oppe og litt inne på Hardangervidda også er han som grunnla byen Thor på andre sida av Atlanteren.

(Kjelder: Hans J. Sekse og Wikipedia).



Petter Sexe Ulriksen ved Vagleiksvarden. Det er han som i dag eig og driv garden som Vagleik Hansson Rogdo kjøpte på Sekse, og som i si tid reiste varden. I 1901 kom sonen Ola, heim frå Ameika og hogg inn årstala og bokstavane. Det var elles han som grunnla byen Thor i Iowa. Foto: Johannes H. Sekse

Bilete



Gamleskulen på Sekse. Det vart bygd skule på Sekse i Flisabakken i 1912. Bilete er lånt av digitaltmuseum.no



2 klasse Sekse skule i 1945. 1 rekke: Bjørg S. Johannesen (Sekse)-Liv Hegerland(Sekse)-Helga Svoldal-Ingebjørg L. Børve. 2 rekke: Jakob Midtun-Harald Sekse-Brita B. Børve-Kari D Hass(Olsen)-Gunvor O. Digranes-Johanne O. Leivestad-Aud J. Leivestad-Tora?. Rekke 3: Henrik Garatun-Lars Mathias Aga-Ørjan M. Børve-Per Djønne-Ola L. Sekse-Magne O. Sandstå-Egil Nicolaysen-Knut Garatun. Lærar Margit Sekse-Jørgen K. Børve (manglar på bilete)

Baksida



Indre Austsio Grannalag

Bladet er gjeve ut av Indre Austsio Grannalag.

Medlemspengar for 2022:

Medlemspengar er kr 100 pr familie og betalast inn på konto nr. 3530.27.67864 eller vipps til Indre Austsio Grannalag

#519186. Pengane går i sin heilheit til bygdeutvikling. IAG er godkjent grasrotmottakar i Norsk Tipping.



Børvenausto. Bilete er lånt av digitaltmuseum.no